

HULIE DE PASQUA
(Voglia di Pasqua)

.
'Nu hulije de Pasqua štammatina
a quište viécchie core ha misse l'ale
che, cómm'a 'nu cellucce, tal'e quale,
vèrze ru nide z'è miss'a vulà.
Ogg'è Giuvedì Sante e da luntane
ha sentuta sunà 'na racanèlla,
puó tricchettracche 'nnant'a la Cappèlla
addó l'apoštele ìvene a prehà.
Ca mó, che le campane so' lehate,
nen puónne fa sentì 'lla bella vóce
pe' respètt'a Gesù, ch'è muórte 'ncróce,
sule la tricchettracche pò' sunà.
A ru venerdì Sante 'n'precessióne,
"Teco vorrei Signore" vè cantata
arrèt'a Gesù Morto e Addolorata;
la chiésa Madre a lore tè a 'spettà,
ma qua tutte le štatue sò' ammantate
che ciérte panne viola, che treštézza...
spècia se reflèttéme, ch'amarézza,
ca 'n'cróce ce ru sème misse nu'!
Mó a le veggilie nen ce scamparame
pe' fà vedé ca ce sème pentute,
e ca štéme ammussate e despiaciute...
Ma sule Isse ce po' perdunà
ca dumane, fenita la muzzétta,
šciuóte che so' campane e campaniélle,
arrattaccame che ri fecatiélle
e casciova ca... z'à šdejunà!
A Pasqua puó ru pranz'è cchiù speciale,
so' lahanèlle e carne d'ajniélle,
pizzadóce che naspe e cumbettiélle,
e mescuótte chell'òva e zò che ghiè!
Ru lunedì la 'mbrènnna. Doppe pranze
šchière de giuvenotte e fegliulèlle,
cómm'a fermiche pe' le cuštarèlle,
a Collerušce vanne a sburijà.
'Ncopp'a 'llu prate vèrde rrelucènte
'n'ce šta 'na mmolva sènza 'mpagliatiélle,
ze càccene uccellat'e casciatiélle,
e ogne huaglióne tè la pigna sé.
Ze videné mesale spase 'n'tèrra,

e tutte che ze scàgnene piètanze...
ca, pure se ze'ntórzene le panze
chéll'aria fina te fa alleggerì.
'Llu bbèlle spiazze d'èrva e margarite,
pare ca la Natura l'ha crijate
appošta pe' fa fà le scampagnate
all'aria apèrta a chi vo' fešteggià.
Ma Collerušce mó è sule 'nu suónne,
la cava de le prète l'ha 'bbelate,
àlbere e fratte l'hanne scancellate...
è vive sule dént'a 'št'uócchie mié!
Quišt'anne puó, che chéšta pandèmia,
de Pasqua 'n'ce šta cchiù manche l'addóre,
dulciume e pane 'n'tiènne cchiù sapóre...
Aiutece Gesù! Falla passà.

Giovannino ROCCIA